

11. juli 2022

## Nalunaarut

### Air Greenlandip juulimi billetsinik tuniniaaneq matuaa

*Sineriak tamakkerlugu nuissertarnera putsertarneralu peqqutaallutik sullitatta ornitaanut apuunnissaat ulluni makkunani unammillernartoqarpoq. Silassamut ilimasaarut malillugu silap pitsanngornissaa ilimananngilaq, taamaattumillu Air Greenlandip sinerissamut angalanissanut billetsinik tuniniaaneq juuli tamakkerlugu unitsikkallarpaa. Nerlerit Inaannut billetsit uani pineqanngillat.*

Ullumikkut ataasinngornermi juulip 11-anni ilaasut 1000-t nuna tamakkerlugu weekendimi aallartussaagaluit aallanngitsoorput. Sineriak tamakkerlugu minnerunngitsumik Nuummi nuisseqqasarnera putserneralu peqqutaalluni, Dash-8-t Nuummi angerlarsimaffeqarmata aatsaat ullup ingerlanerani timmisartuussinissat ingerlanissaat pisinnaasimavoq. Tamannalu ilaasunik nassiussanillu apuunneqanngitsumik amerliartortitsipiloorpoq. Taamaattumik Air Greenlandip juulip sinneranut billetsinik tuniniaaneq matuaa.

- Air Greenland piffissami matumani qajannartumik inissisimavoq. Kiffartuussineq pitsaasoq tunniukkusutarput ajornakusuulersimavoq, taamaattumillu billetsinik tuniniaaneq matusariaqalerparput. Taamaalilluta ilaasussanut inissaq sinneruttoq kinguaattooqqanitsinni atorluarneruniarparput. Putsup nuissallu pukkitsut ajornartorsiortitsingaatsiarnerisigut ullormut angallassinissat kinguartittariaqartarsimavagut ullullu tulleriit arlallit taama ingerlagutta ilaasussat amerliartuinnartarput Air Greenlandimi pisortaaneq, Jacob Nitter Sørensen, taama nassuiaavoq.

Timmisartuussissutit amerlanerit Nuummi angerlarsimaffeqarput, ataaserlu Ilulissani. Tassanilu aamma piffissaq kingulleq putsingaatsiarsimavoq. Timmisartut aggerfimminnut uteqqittariaqartarput aserfallatsaaliineq eqqarsaatigalugu, silamillu ilimasaarut malillugu taamaaliorsinnaasanngikkaanni timmisartuussinissanut pilersaarut kallarneqartarpoq. Taassuma saniatigut unnuiffissanik amigaateqarpugut.

- Air Greenlandip ilaasut aallareersimasut unnuiffissaqarnissaat isumagisarpaa, taannaannarlunniit pilersaarusiornikkut aamma unammillernartoqartitsivoq, unnuiffissat killeqarnerat peqqutaalluni. Suliffeqarfipput Mittarfeqarfiillu sutigut tamatigut ajornartooqqavugut. Taamaattumik ilaasuvut naammagittarnissaannik kajumissaarpavut, suleqatittami sapinngisannguartic tamaat ajornartorsiutit aqqinniarlugit sulimmata, tamannali timmisartuutivut qangattarsinnaanngippata ajornakusoorpoq, Jacob Nitter Sørensen oqarpoq nangillunilu:

Air Greenland A/S  
Postboks 1012  
3900 Nuuk  
Greenland

Tel.: +299 34 34 34  
Fax: +299 32 72 88  
www.airgreenland.gl  
AS Reg. nr. 30672

- Europami angallassinerit aamma unammillernartoqartitsipput, tassami atlantikoq qulaallugu timmisartumik attartorsinnaanerit piffissami matumani ajornakusoormata. Air Greenlandip nalinginnaasumik periarfissaq tamanna atorluartaraluarpaa, maannakkulli periarfissat killeqangaatsiarput ilaatigut SAS-imi suliumajunnaartoqarnera peqquataalluni.

Air Greenlandip nittartagaani inoqatinullu attaveqatigiittarfitsigut annertuumik allanngortoqaraangat paasissutissiisoqartassasoq Jacob Nitter Sørensen ilisimatitsivoq. Ilaasut angalanissaat allanngorpat taakku toqqaannaq nassitsittassapput angalanissamik pilersaarussiaq naammassereeraangat.

- Sulisuvut massakut annertuumik ataqatigiissaariniarlutik suliaqarput, sullitagullu ernumaqqunanngaat. Pilersaarut naammassiniariarpat tunniunneqartarumaarpoq. Sila, timmisartut timmisartunilu inuttat iluatsinnissaanut apeqquataassapput pisortaaneq naggasiivoq.

Air Greenland A/S  
Postboks 1012  
3900 Nuuk  
Greenland

Tel.: +299 34 34 34  
Fax: +299 32 72 88  
[www.airgreenland.gl](http://www.airgreenland.gl)  
AS Reg. nr. 30672